

۱ نشریں ثانی
۱۳۴۱

تورک تاریخ انجمنی

مجموعی

اؤن پشچی سنه
نومرو ۱۲ (۱۹)



شیخینک ذیل

مرحوم عصمت افندی سنه لرحه تدقیقات و تتبعاتده بولونارق (شقایق نعمانیه) ذیلی اولان شیخییه ذیل اولقی اوزره ۱۱۴۳ تاریخنن ۱۳۱۴ سنه هجریه سنه قدر مکمل بر اثر وجوده کتیرمشدی . بواثر ، سنه مذکورده فندقلیده واقع اولان حریقده مؤلفک دیگر اثرلیله برابر محترق اولمشد .

اثرک مقدا سلطان عبدالحمیده تقدیم ایدیلن قسمیله ، مشروطیتی متعاقب بابعالیده تشکیل ایدیلن قومیسونجه اجرا قلنان تدقیقات نتیجه سنده ییلدیز اوراق میاننده ظهور ایدن قسم برلشدریلهرک ییلدیز کتبخانه سنه تودیغ ایدلمش وبالا خره اورادنده دارالفنون کتبخانه سنه نقل اولونمشدی . مذکور قسملر ناتمام اولدقلری جهته آریجه کتاب شکلنده طبعی مناسب کوروله دیکندن پارچه پارچه مجموعه مزده نشرینی موافق کوریورز :

۱۱۴۳ سنه سنده یتیشن علمای اعلام

شیخ علی

مدینه منوره اکابر افاضلندن شیخ علی مغربی حضرتلری (فاس) ده شیخ احمد نام ذات کمالات اتسامک صلبندن ۱۰۴۲ تاریخی حدودنده تولدایتدی . عظمای فضلا بنامدن شیخ عبدالقادر ابن علی الفاسی حضرتلرینک دارالکمالات حقایق پروریلرندن استحصال علوم ایدرک تفرد ایتمشدر . مدینه منورده تدریس وتالیف ایله اشتغال ایلدکلری حالده ۱۱۴۳ جمادی الاولیسنک اولنده اتمام درس حیات ایلدیلر . (بقیع شریف) ده متواریدرلر . قدمای فضلا کبرای علمادن عابد وزاهد متقی ومجاهد برذات محاسن صفاتدرلر . مؤلفات فضائلپورانه لرندن بعضیلری زیرده ذکر اولنور :

قاضی عیاض حضرتلرینک (شفاء شریف) نام اثر حقایق پناهیله رینه اوج جلد برشرح لطیفی .

ینه علم حدیث شریفدن وبوعلمک اصطلاحاتندن (منظومه ابن ذکری) کتاب مشهورینی شرح ایتدی .

(شرح الموطأ) اسمنده سککز جلد بر اثر عالمانه وفون متعدده دن تألیفات تحریرانه لری وارد .

شیخ محمد

مدینه منوره مفتیسی افقه فقهادهن شیخ محمد اسکداری حضرتلری .
 شیخ اسعدک صلبندن (مدینه منوره) ده ۱۰۸۸ تاریخده تولد ایتدی . او
 بلدة اقدسک کلین و متبحرینندن اولان ذاتلردن تحصیل فنون ایلدی . مسلم اولان
 فضل و فقاھتنه بناء بر آراق مفتیک ايله اعزاز ایلدی . متحیزان فضلادن اطوار
 عالمانه و عارفانه اصحابندن اولوب ۱۱۴۳ رجبک اون سکزنده ارتحاللری وقوعبولدی .
 (بقیع شریف) نام معظمی حائر اولان قبرستانده تدفین قلندی .
 (رساله فی تحریر النصاب الشرعی من الدنایر والدراهم) نام اثرلری وسائر
 تألیفات فاضلانلری واردر .
 اوغلی شیخ عیدالمحسن اسکداری پدری کبی مدینه منوره مفتیسی اولمشدر .
 کبار فضلادن اولوب ۱۱۸۳ ده وفات ایتمشدر .

عبدالهادی افندی

بروسه علماسندن متحیزان مولیدن باقی زاده هادی افندی بروسهده حصار
 جامع شریفی جمعه شیخی عبدالباقی افندینک ولد صلبی اولوب بروسهده طوغدی .
 علمای اعلام حضراتنک درس مدققانهلرندن علوم متداوله یی بعدالتحصیل ۱۱۰۶
 محرمنده مدرس ، ۱۱۱۶ ده طرابلس شام ناٹی ، ۱۱۲۳ جمادی الاخره سنده قیصری ،
 ۱۱۲۹ محرمنده مغنیسا ، ۱۱۳۴ ربیع الاولنده دیاربکر ، ۱۱۳۹ جمادی الاخره سنده
 اسکدار ملاسی اولدی .

۱۱۴۲ ده حج شریفه کیدوب عودتنده ۱۱۴۳ اوائلنده بین الحرمین عزیمت عالم
 باقی ایلدی .

ارباب علم و عرفاندن محاسن الخلاق ايله تزیین ذات ایدنلردن اولوب هادی
 مخلصيله عربی فارسی ترکی اشعار بلاغت شعاری واردر .

(روح البیان) عنوانی حائر اولان تفسیر شریف تمام اولدقده بولدیغی تاریخ
 بلیغانه در : (لب تفسیر کلام الباری) .

احمد ندیم افندی

شاعر شہر مدرس ندیم افندی .

عظماۓ درس عام و فضلاۓ صدور عظامدن چشمی محمد افندی حضر تترینک دامادی صدور فضائل موفوردن ملقب لقبیلہ شہرتی اولان مرزیفونلی مصطفی افندی حضر تترینک کریم زادہ سی و قضا تندن و ارباب معلوماتدن محمد افندینک اوغلیدر . والدہ سی طرفندن نسی (روضۃ الابرار) و (سلیمان نامہ) تاریخلریخی تدوین ایدن قرہ چلبی زادہ شیخ الاسلام عزیز افندی حضر تترینہ واصل اولور .

ندیم افندی استانبوللیدر . علمای کرامک درس محققانہ لرنندن استفادہ ایلشدیر . (ابتداء خارج) رادہ سندہ سلاک مدرسین کرامہ داخل اولہرق (موصلاہ سخن) رادہ سنہ واصل اولشدیر . محمود پاشا محکمہ شریعہ سنک نیابتندہ ۱۱۴۳ ربیع الاولندہ ابراہیم باشانک وفاقی متعاقباً پاتورنہ و موصلی خلیل قورقورلندن بشکطاشدہ کی خانہ سندہ اختفا ایتدی ایسہدہ برقچ کون طرفندہ آنلر طرفندن بولدریلوب منظومہ حیاتنک اتمام ایدلیدی و بک اوغلی قبرستاننک برجہتنہ دفن اولندی ارباب تتبع مجموعہ لرنندہ کورلدی .

مرحوم مومئی الیہ ارباب معارفک کزیدہ لرنندن ظرفای دہردن سخی و کریم اکابر و اقرا نی مجالسندہ ندیم حلیم و سلیم محاسن و سیم برذات ایدی .
حرمین محترمیندہ واقع مولویخانہ لک شیخی بولنان افاضل بنامدن منجم باشی احمد ددہ حضر تترینک عربی اولہرق یازمش اولدینی تاریخنی صدر اعظم داماد ابراہیم پاشا مرحومک تنسیبیلہ ترکجیہ ترجمہ ایلشدیر .
(منجم باشی تاریخنی) نا ئیلہ اوچ جلد اولہرق مطبوع و متداولدر . ندیم مخلصیلہ بلاغت پرورانہ برقطعہ دیوان اشعاری مشہوردر .
دیوانندن انتخاب اولنان غزلیاتندندر .

غزل

سینہدہ بر لحظہ آرام ایلہ کل جانم کی
پکمہ ای روح روان عمر شتابم کی

تورک تاریخ انجمنی مجموعه‌سی

برده دار آکلاردم الحق غنجه‌نی کوردوم سحر
 اول دخی ابریز چاک اولمش کریبانم کبی
 رشک جبین اولمده فکرم کلدی تعبیره لیک
 وصفی اول کیسولرک خواب پریشانم کبی
 یکیم اول کلدن کلاب آلمزدن اول مویمک
 هربری انبیق زهراب اولسه مژگانم کبی
 جستجو ایتدم ینه جانا ندیمآ بنده که
 بر افندی بولدم دولتلو سلطانم کبی

احمد ندیم افندی

درس عام ندیم احمد افندی .

درس عام فضیلت اتسامدن منورالافکار برذات محاسن شعار اولوب دار سلطنت
 سنیه ده تدریس علوم ایدر اندی . ۱۱۴۳ تاریخده نسخه نفیسه حیاتی اتمام ایلدی .

اسکدارده تونس باغندن صره سرویلره و ابراهیم آغا چایرینه تواصل ایدن
 جاده‌نک صول طرفنده (چیچکچی باغچه‌سی) حدودندن معدود اولان محله
 کائن مقبره ده سرکاتی خطاط عثمان بکک وحفیدی اولان رجالدن مشهور لالا زاده
 نوری بکک صفة مخصوصی اوکنده متواریء لحد غفران اولدی .

ارتحالنه سویلنیلان تاریخ :

ندیم احمد افندی کاری تدریس ایدی روز وشب
 علوم ایچره کاله ایریشدی اول صافی مشرب
 خطاب ارجعی ایردکده سمعنه لیک دیوب
 قویوب جان وجهانی قیلدی قرب باری بی مطلب
 روا اوله دوشرسه فوتنه اشبو دعا تاریخ
 ندیم اوله ندیم شاه جیش انبیا یا رب